

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0049974 23
Zenica, 03.06.2025. godine

OPĆINSKOM SUDU U ZENICI
-Sudiji za prethodno saslušanje-
Z E N I C A

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

A. K., osuđivan presudama: Osnovnog suda broj: ... od 22.01.1996 godine za krivično djelo iz člana 148. stav 1. KZ R BiH kaznom zatvora tri mjeseca, broj: ... od 24.09.1996. godine za krivično djelo iz člana 147. stav 1. KZ R BiH uvjetnom osudom, kazna zatvora tri mjeseca vrijeme provjeravanja dvije godine, presudom Višeg suda Zenica broj: ... od 22.01.1996. godine za krivično djelo iz člana 148. stav 3. KZ R BiH uvjetnom osudom kazna zatvora šest mjeseci vrijeme provjeravanja dvije godine, presudom Općinskog suda Kakanj broj: ... od 29.07.1999. godine za krivično djelo iz člana 273. stav 1. KZ F BiH uvjetnom osudom kazna zatvora tri mjeseca, vrijeme provjeravanja jedna godina, presudom Općinskog suda Zenica ... od 23.05.2002. godine za krivično djelo iz člana 283. stav 1. KZ F BiH uvjetnom osudom kazna zatvora jedan mjesec vrijeme provjeravanja jedna godina, presudom Kantonalnog suda Zenica broj: ... od 07.05.2007. godine za krivično djelo iz člana 336. stav 2. u vezi sa članom 332. stav 1. KZ F BiH kaznom zatvora jedna godina i osam mjeseci i zabrana upravljanja motornim vozilom „B“ kategorije šest mjeseci, rješenjem Općinskog suda Kakanj broj: ... kazna zatvora ... brisana dana 10.02.2010. godine, presudom Općinskog suda Kakanj broj: ... od 12.12.2011. godine za krivično djelo iz člana 316. stav 1. KZ F BiH uvjetnom osudom kazna zatvora šest mjeseci vrijeme provjeravanja dvije godine, presudom Općinskog suda Zenica broj: ... od 05.06.2013. godine za krivično djelo iz člana 316. stav 1. KZ F BiH uvjetnom osudom kazna zatvora jedna godina vrijeme provjeravanja četiri godine,

što je:

dana 12.07.2022. godine oko 12,46 sati, na području grada Zenica, na lokalnom putu Zenica-Perin Han, ulica ... kod broja ..., krećući se iz pravca raskrsnice sa kružnim tokom saobraćaja ulica ...-... u pravcu Perinog Hana i dolaskom do broja 5, upravljajući putničkim motornim vozilom marke „...“ reg. oznaka ..., vozio neoprezno i nedovoljno pažljivo, ne pridržavajući se saobraćajnih propisa, postupajući suprotno odredbama člana 43. stav 1. i odredbama člana 48. stav 2. Zakona o osnovama bezbjednosti saobraćaja na putevima u BiH ("Službeni glasnik Bosne i Hercegovine", br. 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), iako je bio svjestan da uslijed takve vožnje može nastupiti zabranjena posljedica, ali je olako držao da će istu izbjeći ili moći spriječiti, pa je na taj način ugrozio javni saobraćaj i doveo u opasnost život ljudi i imovine, tako što je započeo radnju skretanja ulijevo

prema suprotnoj strani kolovoza u pravcu autobusnog stajališta ne uvjerivši se da je takva radnja sigurna po ostale učesnike u saobraćaju, na način da nije propustio motocikl marke „...“ reg. oznaka: ... kojim je upravljao S. H., a koji se kretao također iz pravca navedene raskrsnice u pravcu Perinog Hana, nakon čega je ostvaren fizički kontakt između motocikla i lijeve strane putničkog motornog vozila „...“ usljed čega je vozač motocikla S. H. pao na kolovoz kojom prilikom je zadobio tešku tjelesnu ozljedu u vidu preloma kostiju donožja desnog stopala od 2-5, koja ozljeda predstavlja tešku tjelesnu ozljedu, kao i nagnječenja desnog lakta i podlaktice i ogrebotina kože na desnom ramenu, koje ozljede predstavljaju lake tjelesne ozljede,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao tešku tjelesnu ozljedu,

čime je počinio krivično djelo teška krivična djela protiv bezbjednosti javnog saobraćaja iz člana 336. stav 3. u vezi člana 332. stav 3. u vezi sa stavom 1. KZ F BiH.